

Tutu nuu' ña ni ke'i San Pablo kua'an nda'a' ne ini xini Jesús, ne ndiee' ñuu Tesalónica

Ti'vi' ra cha'an' nia

¹ Yu'u Pablo, xiin' Silvano, xiin' Timoteo ndii, ti'vi' ndu cha'an' ndo'ó, ne ndiee' ñuu Tesalónica, ne nakayá xa'a' yuva' e' Ndiosí xiin' xa'a' xto'ó e' Jesucristo. Na sañu'u' va na a ndo'ó, te na taxi tu a ña maní' koq xiin' ndo'.

Taxi' Pablo ña chindani Ndiosí xa'a' ne ini xini Jesús

² Sakuu' ichi' kij' ka'an ndu xiin' Ndiosí ndii, taxi' ndu ña chindani a xa'a' sakuu' ndo'.

³ Te naka'an' chito ndu xa'a' ndo' nuu' yuva' e' Ndiosí xa'a' saq xaa' ndo' chuun va'a xa'a' ña ini ndo' xini ndo' Jesús, xiin' xa'a' ña xachuun' u'vi va ndo' ña ndani ndo' inga ne yivi', xiin' xa'a' ña ita' ni'i ndo' nuu' ña ndiatu' ini e' xa'a' xto'ó e' Jesucristo.

⁴ Ñani ta'an' ndu, ndani Ndiosí ndo'ó, te xini ndu ña ni nakaxin a ndo'ó xa'a' mii' a.

⁵ Kuachi ndii, kij' ni ka'an ndoso' ndu tu'un va'a nuu' ndo' ndii, süu' xiin' tu'un kuiti' ni xaa ndu a, süu' jaan' ndii xiin' ña ndiee' Ndiosí ni xaa ndu a, te sakan' tu xiin' ña ndiee' Espíritu Santo te kuní ne yivi' ña ña ndixa nduu' tu'un va'a jaan'. Te xini ndo' ña maní' ni kuu ndu kij' ni xika ndu tein ndo' xa'a' ña va'a mii' ndo'.

6 Te n̄i xaa ndo' saa nii' xaa' ndu'u xiin' saa xaa' xto'o e'. Tee' ndee n̄i sando'o' u'vi va ne yivi' ndo'ó ndii, n̄i nat̄iin ndo' tu'un va'a jaan' nakuatia' nimá ndo' xaa' Espíritu Santo.

7 Te nuu' ña jaan' n̄i nia'a ndo' nuu' sakuu' ne in̄i xini xto'o e', ne ndiee' ñu'u' Macedonia, xiin' ne ndiee' ñu'u' Acaya.

8 Süu' ne ndiee' ikan' kuit̄i' xa n̄i xini so'o tu'un va'a xa'a' xto'o e' n̄i xaa ndo', süu' jaan' ndii mii' ka kikú tu'un jaan', sakan' ña xa n̄i xini so'o ne yivi' ña in̄i ndo' xini ndo' Ndiosí. Ndee küní a ña ka'an ka v̄i' ndu xiin' ne yivi' xa'a' tu'un jaan',

9 kuach̄i ndii m̄i' ne jaan' ka'an saa n̄i nat̄iin ndo' ndu'u xiin' saa n̄i nakoo ndo' ndiosí saka, te vit̄in xika' nuu' ndo' nuu' Ndiosí tiaku, ña nduu' Ndiosí xna'a.

10 Te ka'an tu n̄ia saa ndiatu' ndo' ña k̄iee Jesús, si'e Ndiosí, ndivi', te xaa a jin yivi'. Te Ndiosí n̄i san̄atiaku ña'a', te n̄i sakakú a yoo' nuu' ña sando'o' Ndiosí ne ndiso' kuach̄i nuu' ku'un e'.

2

Ka'an Pablo xa'a' saa xachuun' ra tein ne ñuu Tesalónica

1 Ñani ta'an' ndu, xini ndo' ña n̄i xa'an saka ndu mii' ndiee' ndo'.

2 Te xini tu ndo' ña n̄i sando'o' ne yivi' ndu'u, te m̄i' tu n̄i kuu n̄ia xiin' ndu ñuu Filipos. Ndisu Ndiosí n̄i tax̄i ndiee' ndu, te n̄i ka'an ndoso' ndu tu'un va'a nuu' ndo', tee' ndee ndiee' n̄i xikuíta'nu ne yivi' nuu' ndu.

³ Kuächì ndii, ña ka'án ndoso' ndu ndii, kuäxi a nuu' ña sana', nì ndee kuäxi tu a nuu' ña xanini kinì, nì ndee kuäxi tu a nuu' ña xini xa'an'.

⁴ Süu' jaan' ndii mji' Ndiosí nì sakuiso' chuun' ndu te ka'án ndoso' ndu tu'un va'a jaan', te nii' sakan' yoo a ka'án ndu, sakan' te ndüku' ndu ña sakuatia' ndu ne yivi', süu' jaan' ndii nduku' ndu ña sakuatia' ndu Ndiosí, ña xiní saa iin' nimá e' kuiti'.

⁵ Te xiní tu ndo' ña köo' kivi' nì ka'an ndatun' ndu nuu' ndo' te sakandixa' ndu ndo'ó, nì ndee nì xini xa'an' tu ndu ndo'ó te ki'in ndu xu'un' nda'a' ndo'. Xiní Ndiosí ña xaa' ndu sakan'.

⁶ Te nì ndee ndüku' tu ndu ña koto ka'nu' ndee iin ne yivi' ndu'u, nì ndee ndo'ó uun ndee ka ne yivi' ndii, küni ndu ña saa nia sakan'. Tee' ndee te tianu' Jesús sania'á ichi' a nduu' ndu, te kumi' ndu ndjee' te tiachuun' ndu ndo'ó ndii, nì xaa ndu sakan'.

⁷ Süu' jaan' ndii kuie nì kuü ndu xiin' ndo' ndee naa xaa' iin ña'a' ña' ndani a si'e a', te xito' va'a a.

⁸ Te xa'a' a ña ndani xava'a ndu ndo'ó ndii, süu' tu'un va'a xa'a' Ndiosí kuiti' nì sania'á ndu ndo'ó, süu' jaan' ndii ndee kivi' ñuu ndu nì kunì ndu taxì tu ndu xa'a' ndo', sakan' ña ndani xava'a ndu ndo'ó, ndee naa nimá ndu nduu' ndo'.

⁹ Te naka'an' ndo'ó, ñani ta'an' ndu, saa nì xachuun' u'vi va ndu, te nì saxavi xiin' mji' tu ndu ña xachuun' ndu nduvi' xiin' ñuu te sando'o' ndu ndee iin ndo'ó xa'a' ña tiaku ndu kij' ka'án ndoso' ndu tu'un va'a xa'a' Ndiosí nuu' ndo'.

¹⁰ Xiní Ndiosí, te xiní tu ndo'ó saa nì xika ndoo ndu nuu' Ndiosí nuu' ndo'. Te xiní tu ndo' saa

n̄i x̄achuun' nd̄aku ndu nuu' ndo'ó, nē in̄i xini ñ̄a'a'. Tē k̄ōo' ndeē iin̄ xa'a' ñ̄a kuv̄i tiin̄ kuach̄i nē yivi' ndu'u.

11 Tē xiní tū ndo' ñ̄a n̄i kūu va'a' ndu xiin' i'in̄ ndo' ndeē naa xaa' iin̄ yuva' xiin' si'ē ra.

12 Sakan' n̄i x̄and̄jeni ndu ndo'ó, n̄i ch̄i'n̄i kueī tū ndu ndo'ó xiin' kuento, tē n̄i ka'an̄ ndiee' ndu xiin' ndo' tē kāka xata'an̄ ndo' sāa kuní Ndiosí, ñ̄a n̄i kāna yoo' tē kund̄iee e' mii' xa'ndia chuun' ā mii' ndat̄un' koo' chukuu' kaa'.

13 Ñ̄a jaan' na x̄ikuiin̄ ndu ñ̄a taxi' ndu ñ̄a ch̄ind̄ani Ndiosí xa'a' ā ñ̄a n̄i nat̄iin va'a' ndo' tu'un̄ ā kii' n̄i ka'an̄ ndoso' ndu ā nuu' ndo'. Tē süu' n̄i nat̄iin̄ ndo' ā ndeē naa tu'un̄ nē yivi', süu' jaan' ndii n̄i nat̄iin̄ ndo' ā ndeē naa tu'un̄ Ndiosí. Tē tu'un̄ Ndiosí xna'a' nduu' ā, tē xiin' tu'un̄ jaan' xachuun' Ndiosí xiin' nimá ndo'ó, nē in̄i xini ñ̄a'a'.

14 Nē ñ̄ani ta'an' i, kii' ndo'o' ndo' xaa' nē ta'an' ndo' ndii, ndo'o' ndo' sāa nii' n̄i ndo'o' i'in̄ t̄i'vi nē nakayá xa'a' Ndiosí, nē nduu' kuenta Cristo Jesús, nē ndiee' ñ̄u'u' Judea, n̄i xaa' nē judío, nē ta'an' ndu.

15 Tē nē judío jaan' nduu' nē n̄i xa'n̄i' xto'o' e' Jesús, tē suvī tū ñ̄a n̄i xa'n̄i' tē n̄i ka'an̄ tiakú tu'un̄ Ndiosí xta'an', tē suvī n̄i tū ñ̄a n̄i taxi' ndu'u. Tē xaa' ñ̄a ñ̄a kuní Ndiosí, tē ndasi' ñ̄a sakuu' nē yivi',

16 sakan' ñ̄a täxi' ñ̄a ka'an̄ ndoso' ndu tu'un̄ va'a' nuu' ndo'ó, nē tuku', tē kak̄u ndo' nuu' kuach̄i ndo'. Tē xiin' sakuu' ñ̄a xaa' ñ̄a jaan' ndii, so'o' kuu' kua'a' kā kuach̄i ñ̄a nuu' Ndiosí, ndisū ndiee' vā sando'o' ñ̄a'a' ā.

Kuni ku'un̄ ndi'e' n̄i tukuu' Pablo mii' ndiee' nē

ñuu Tesalónica

17 Ñani ta'an' ndu, tee' ndee ni kuxika' ndu nuu' ndo' ni xaa ne yivi' jaan' iin xa'a' ndii, yachi va ni kuni ndu nandiko' tukuu' ndu mii' ndiee' ndo', te koo ndu xiin' ndo', sakan' ña ñu'u' ndo' nimá ndu tee' ndee xika' ndiee' ndu nuu' ndo'.

18 Ña jaan' na kuii' ni kuni ndu ku'un ndu mii' ndiee' ndo' jaan'. Yu'u, te nduu' Pablo ka vi' ndii, ki'in' ichi' ni xika i ku'un i mii' ndiee' ndo', ndisu ni nakasi ña ndiva'a nuu' ndu.

19 Kuachi ndii, ¿ñáá xini ndo' ña ndo'ó nduu' ne xaa' sakan' te ndiatu' ini ndu, xiin' ña kuatia' nimá ndu, te kunduu tu ndo' ña kuvj ka'an va'a ndu xa'a' ndu nuu' xto'o e' Jesucristo kij' nandiko' tukuu' a?

20 Suu ndo'ó nduu' ne xaa' sakan', te ka'an va'a ndu xa'a' ndu, te suvi tu ndo' xakuatia' nimá ndu.

3

Ni ti'vi' Pablo Timoteo ñuu Tesalónica

1 Xa'a' a jaan' na kuii', kij' ni kundieni ka ndu ndii, ni ndoo ndu kuento ña ndoo ndu ñuu Atenas,

2 te ni ti'vi' ndu Timoteo, ñani e', mii' ndiee' ndo'. Te jaan' ndii, te xachuun' inga' xiin' ndu kuenta Ndiosí xa'a' tu'un va'a ña ka'an xa'a' Cristo nduu' ra. Ni ti'vi' ña'a' ndu te nakata ni'i ka ra ndo'ó nuu' ña ini ndo' xini ndo' Jesús, te sandieni tu ra ndo'ó nuu' ña jaan',

3 koto ka kuxioo ndo' nuu' ichi' a xa'a' a ña sando'o ne yivi' ndo'ó. Kuachi ndii xini ndo' ña kuni a kundo'o e' ña jaan'.

4 Sakan' na kij' n̄i yoo ndu xiin' ndo' ndii, n̄i sakan' ndu ndo'ó ña sando'o' ne yivi' yoo', te sakan' xna'a ndo'o' e' vitin.

5 Xa'a' a jaan' na kij' n̄i kundieni ka yu'u ndii, n̄i ti'vi' i Timoteo mii' ndiee' ndo' te kun̄i i naa' kusaa' ndikún ka ndo' ichi' Jesús. Kuachi' ndii n̄i xan̄ini i ña tee' kuain' xa n̄i koyo ndo' nuu' ña xito' kua'a ña ndiva'a ndo'ó, te chuun ña n̄i xaa ndu tein ndo' ndii, n̄i ndoñu'u' saka a.

6 Ndisu kij' n̄i nandiko' Timoteo n̄i xa'an ra mii' ndiee' ndo' ndii, n̄i ka'an va'a ra xiin' ndu xa'a' ña in̄i ndo' xini ndo' Jesús, xiin' xa'a' ña ndani ta'an' ndo'. Te ndatun' va naka'an' ndo' xa'a' ndu, te kuni kun̄i tu ndo' nuu' ndu ndee naa kuni ndu'u kun̄i ndu nuu' ndo'ó, n̄i kachi ra xiin' ndu.

7 Ñani ta'an' ndu, sakan' na kuii' tee' ndee sando'o' va ne yivi' ndu'u, te sakusuchi' tu n̄ia in̄i ndu ndii, n̄i xandieni Ndiosí ndu'u kij' n̄i xini ndu kuento ña ita' n̄i' ndo' nuu' ña in̄i ndo' xini ndo' Jesús.

8 Te vitin ndii, n̄i nakunaa va'a nimá ndu kij' n̄i xini ndu ña ndikún n̄i' ndo' ichi' xto'o e' Jesús.

9 Ndee xini ka ndu ndee ña ka'an ndu xiin' Ndiosí kij' taxi ndu ña chindani a xa'a' ña nakuatia' xava'a nimá ndu xa'a' ndo' nuu' a.

10 Sakan' na kuii' nduvi' xiin' ñyu xikán ndiee' ndu nuu' a ña taxi a kun̄i tukuu ndu nuu' ndo', te saxinu ndu ña kuni ka kundani ndo' xa'a' ña in̄i ndo' xini ndo' Jesús.

11 Na nunia' na yuva' e' Ndiosí, xiin' xto'o e' Jesucristo ichi' te kuv̄i xaa tukuu ndu mii' ndiee' ndo'.

12 Te na chindiee' na xto'o e' ndo'ó te kua'nu ndo' nuu' ña ndani ta'an' ndo', te kundani naa

kundani ta'an' ka tu ndo', te kundani tu ndo' sakuu' ne yivi' ndee naa kundani ndu'u ndo'ó.

¹³ Te na chindiee' na a nimá ndo', sakan' te köo' kuachi ndo', te köo' tu ndee jin xa'a' ña tjin kuachi Ndiosí, yuva' e', ndo'ó kivi' kii' nandiko' xto'o e' Jesucristo xiin' sakuu' ne nduu' kuenta mii' a.

4

Ka'án Pablo ña kuní a saa e' ña xtani Ndiosí

¹ Te vitin, ñani ta'an' ndu, ka'án nda'vi ndu xiin' ndo', te ndiaa yu'u' tu ndu ndo'ó xa'a' a ña ini e' xini e' xto'o e' Jesús ña kaka na kaka ndo' ña xakuatia' ndo' Ndiosí saa ni sania'á ndu ndo'ó. Tee' ndee xa xaa' ndo' a ndii, kuní a ña saa va'a ka ndo' a.

² Kuachi ndii xa xini ndo' ña ni sania'á ndu ndo'ó saa nii' ni sakuiso' chuun' xto'o e' Jesús ndu'u.

³ Kuachi ndii kuní Ndiosí ña kaka ndo' saa kuní mii' a kuiti', sakan' na kuii' kuxioo ndo' nuu' ña xiin.

⁴ Kuní a ña i'in ndo' ndii, kundani ndo' ña kuu tuní ndo' xiin' jin' ndo', te kaka ndoo ndo' xiin' a.

⁵ Te ndiöo' ini ka'an ta'an' ndo' naa xaa' ne tuku', ne xini yoo Ndiosí.

⁶ Te mii' kuu ndee jin ndo', ni ndee küni xa'an' tu ndo' ñani ta'an' ndo' nuu' naa ña yo'o', sakan' ña sando'o' xto'o e' ne xaa' ña jaan' naa xa ni ka'an ndu xiin' ndo', te ni ndiaa yu'u' ndu ndo'ó.

⁷ Kuachi ndii ni kana Ndiosí yoo' te saa e' ña xe'na', süu' jaan' ndii ni kana a yoo', te kunduu e' nditia a.

8 Sakan' na kuii' yoo ka sanandiko' ña yo'o' ndii, süu' ña ka'an ne yivi' sanandiko' ña, süu' jaan' ndii, ña ka'an chuun' Ndiosí sanandiko' ña. Sakan' ña ña jaan' ni taxi' Espíritu Santo naá nimá e'.

9 Te xa'a' a ña ndani ta'an' ndo' ndii, küní a ña ka'an ka i xa'a' ña jaan', sakan' ña mii' Ndiosí ni sania'a' ndo'ó ña ndani ta'an' ndo'.

10 Kuachi ndii ndani tu ndo' sakuu' ne ini inga' xini Jesús xiin' e', ne ndiee' ñu'u' Macedonia nda'a' ñuu ndo'. Ndisu ka'an nda'vi ndu xiin' ndo', ñani ta'an' ndu, ña kundani naa kundani ta'an' ka ndo'.

11 Te kaka' naa xika' ndo' ña ndiee' maní' ndo' xiin' sakuu' ne yivi'. Te xa'a' ña ka'an kuachi nuu' mii' kuiti' ndo' chuun' xa'a' ndo'. Te sachuun' ndo' xiin' nda'a' mii' ndo' te kutiaku ndo' saa nii' ni ka'an chuun' ndu xiin' ndo' kii' ni jaan'.

12 Te koto ka'nu' ne ini xini Jesús ndo'ó kii' kuni ña xaa' ndo' ña jaan', te kotiin ndiaa ndo' ndee iin ne yivi'.

S'o' saq a kivi' ña nandiko' xto'o' e'

13 Ñani ta'an' ndu, küní ndu ña kuni ndo' saa ndo'o' ne xa ni xi'i, te kusuchi' ini ndo' xa'a' ña ndee naa xaa' ne ndiatu' ini ña kundiee ña mii' ndu'u' Ndiosí.

14 Kuachi ndii kandixa' e' ña ni sanatiaku Ndiosí Jesús, te sakan' tu sanatiaku a ne ni xi'i, ne ini xini Jesús, te nduiin ña xiin' a ndivi'.

15 Sakan' na kuii' ka'an ndu xiin' ndo' vitin ña ni ka'an xto'o' e' xiin' ndu ndii. Yoo', ne tiaku kii'

nandiko' a ndii, kī'in ichi' e' nuu' ne xa ni xi'i jaan'.

¹⁶ Kuachi ndii mji' xto'o e' Jesús keta ndee ndivi' ka'an chuun' ti'e' a xiin' tachi' yu'u' a, te ka'an ti'e' tu iin ángele kuu' nuu', te nde'i ti'e' tu iin ndachuun' Ndiosí. Te ne ni xi'i, ne ini xini Cristo ndii, xi'na ka nja natjaku kij' sakan'.

¹⁷ Sakan' te yoo', ne tiaku kij' sakan', ne ni ndoo ka ndiee' ndii, iin xita' inga' tio' Ndiosí yoo' xiin' ne jaan', te ku'un e' nuu' viko', te nduujin e' xiin' xto'o e' tein tachi'. Te sakan' kundiee e' xiin' a ndee ndi'i' ni kivi'.

¹⁸ Xa'a' a jaan' na kuii' sandjeni ta'an' i'in ndo' xiin' tu'un yo'o'.

5

¹ Ñani ta'an' ndu, küní a ña ka'an i xiin' ndo' amaa kuiti' nandiko' xto'o e' Jesús, ni ndee küní tu a ka'an i xiin' ndo' saa kuiti' xka'ndia a.

² Kuachi ndii xa xini kaxi' ndo' ña kij' xaa kivi' ña nandiko' xto'o e' ndii, iin xaa ki'i' kuiti' a ndee naa xaa' iin te kui'na' ñuu.

³ Kij' ka'an ne yivi' ndii: “Ndiee' maní' e', te koo' a yoo”, kachi nja, sakan' te iin kixin kuiti' ña sandoñu'u' ña'a' ndee naa iin kuaxi kuiti' ña ndo'o' iin ña'a' kij' xito' sakaku' a. Te koo' a kivi' saa nja, te kaku nja.

⁴ Ndisu ndo'ó, ñani ta'an' ndu ndii, yoo sa'vi ini ndo' xa'a' kivi' jaan' te tijn nianí a ndo'ó ndee naa tiin' nianí te kui'na' ne yivi'.

⁵ Sakan' ña sakuu' ndo'ó ndii, xa tuvi' nuu' nimá ndo' xaa' ñu'u Ndiosí, te xika' ndo' ndee naa iin ke'in' nduu' a. Te nduu' e' ndee naa ne xika' ñuu, ni ndee nduu' tu e' ne xika' iin yavi'.

6 Sakan' na kuii' täxi' e' ña koḡ sa'ví iní e' xa'a' kivi' jaan' naa xaa' ne iní xini Jesús, süu' jaan' ndii koḡ tu'va e' xa'a' a, te koḡ ñu'u' iní tu e'.

7 Kuachí ndii, ne yoo sa'ví iní xa'a' kivi' jaan' ndii, kixín nja ñuu, te xi'i' tu nja vino ñuu, te xini nja.

8 Ndisu yoo', ne xa tuvi' nuu' nimá xaa' ñu'u' Ndiosí ndii, kuní a ña koḡ ñu'u' iní e', te tiasi ña iní e' xini e' Jesús yoo', xiin' ña ndani ta'an' e'. Te ña ndiatu' iní e' sakakú Jesús yoo ndii, nduu' a ndee naa ti'e' ña kasi xini' e'.

9 Kuachí ndii, süu' ni nakaxin Ndiosí yoo' te sando'o' a yoo', süu' jaan' ndii ni nakaxin a yoo' te sakakú a yoo' xa'a' ña ni xaḡ xto'o' e' Jesucristo,

10 ña ni xi'i' a xa'a' e', te kundíee inga' e' xiin' a naa' ni xi'i' e' uun naa' tiaku e'.

11 Sakan' na kuii' sandíeni ta'an' i'in ndo', te chindíee' ta'an' tu ndo' ña ku'a'nu' ka' ndo' nuu' ichi' Jesús naa xa' xaa' ka' ndo'.

Ndiaa yu'u' Pablo ne iní xini Jesús saḡ kuní a kaḡ nja

12 Ñani ta'an' ndu, ka'án nda'vi ndu xiin' ndo' ña koḡ ka'nu' ndo' ne xachuun' u'vi' tejn ndo' chuun nuu' xto'o' e', ña xito' nja ndo'ó, te sania'á tu nja ndo'ó ña ndikún ndo' ichi' a.

13 Te tijn ka'nu' va' ndo' ne jaan', te kundani va' tu ña'a' ndo' xa'a' chuun ña xaa' nja. Te kundíee maní' xiin' ta'an' ndo'.

14 Ñani ta'an' ndu, ka'án nda'vi tu ndu xiin' ndo' ña kaní kuento ndo' ne suxan', te sandíeni tu ndo' ne nuu' nimá, te chindíee' ni tu ndo' ne itia' iní, te sakan' tu kuie kuu' iní ndo' xiin' sakuu' ne yivi'.

15 Chuun xa'a' va ndo' ña ndee iin ndo' sãñandiko' ña ña'a xa'a' ña ña'a ña xaa' ne yivi' xiin' ndo', süu' jaan' ndii kaka ndo' xaa' ndo' ña va'a xiin' ta'an' ndo', te iin kachi tu saa ndo' a xa'a' sakuu' ne yivi'.

16 Kuatia' na kuatia' ini ndo'.

17 Te ka'an na ka'an ndo' xiin' Ndiosí.

18 Te taxi na taxi' ndo' ña chindani a xa'a' sakuu' ña ndo'o' ndo'. Kuachi ndii ña jaan' nduu' ña kuni Ndiosí saa e' xa'a' a ña ini e' xini e' Cristo Jesús.

19 Tiasí ndo' ña kuni saa Espiritu Santo.

20 Te sãnuu' tu ndo' ña ka'an tiakú ne yivi' xaa' Espiritu Santo jaan'.

21 Ndisu sakuaan ndi'i ndo' a te kuni ndo' naa' Espiritu Santo jaan' nduu' ña saka'an tiakú ne yivi' jaan' uun süvi a. Te ña va'a kuiti' natiin ndo'.

22 Te na kuxioo tu ndo' nuu' sakuu' nuu' ña ña'a.

23 Na taxi na Ndiosí ña maní' koõ xiin' ndo', te na ndasandoõ ndi'i xachi' a ndo'ó. Te sakan' taxa'a a kani' ndo', naa kuu' espíritu ndo', xiin' nimá ndo', xiin' ñu'u' nde'i ndo', te kõõ' ndee iin xa'a' ña tjin kuachi a ndo'ó kii' nandiko' xto'o e' Jesucristo.

24 Sakan' ña Ndiosí, ña ni kana yoo' ndii, xachuun' ndaku a te saxinú a sakuu' ña jaan'.

Ndeii' Pablo ne ini xini Jesús

25 Ñani ta'an' ndu, ka'an ndo' xiin' Ndiosí xa'a' ndu.

26 Chito nuu' ta'an' sakuu' ndo' kuenta Jesús, te xiin' ña jaan' nakuatu ta'an' ndo'.

²⁷ Ka'án chuun' i nuu' ndo' saa kuní xto' o e' ña ka'vi ndo' tutu yo'o' nuu' sakuu' ñani ta'an' e'.

²⁸ Te na sañu'u' na xto' o e' Jesucristo ndo'ó. Sakan' na kunduu a.

**El Nuevo Testamento en el Mixteco de
Ayutla**
**Mixtec, Ayutla: El Nuevo Testamento en el Mixteco
de Ayutla New Testament**

copyright © 2016 Wycliffe Bible Translators, Inc.

Language: Ayutla Mixtec

Contributor: Wycliffe Bible Translators, Inc.

All rights reserved.

2020-11-16

PDF generated using Haiola and XeLaTeX on 18 Apr 2025 from source
files dated 29 Jan 2022

7e4f3497-fb83-5234-ac91-e00e1d534904